



陶氏世吟草序



陶氏世吟草一卷計詩若干首隆慶丁卯
白野公來守睢出示恒野孫公曰吾先
世手澤存焉不忍忘也恒野因請刻以傳
尋判青州屬其子庠生愈奇刻之家塾云
粵自尼父立庭詩禮維訓自漢以來學士
大夫家曷嘗一日不以此誨其子孫哉而
席寵怙侈殊尚異趨能世其業者鮮矣曩
予讀陶氏家教首以

聖諭四禮闈其宗人既嘆其治家有禮矣載
閱是編則自先世一間公以來代有作者
雖隱顯殊遭少長異齒類能發抒性情模
寫景物追美唐人鳴盛

昭代其他德業問望猶未暇論焉於戲休矣
乃白野介乎其間作述炳烺師友淵源予
每承顏接辭其溫柔敦厚可掬也其政事
率類是及叩其平日所為作則退然如不
能默焉如無聲嗟乎公所得于詩者深矣
邦彥章句儒非可與言詩者聊綴言簡末
俟觀風于唐者采焉

賜進士承直郎吏部稽勲清吏司主事睢陽
惺菴魯邦彥頓首拜書出首在
隆慶四年歲次庚午孟冬之吉

陶氏世吟草序

古以家世名詩者代固有人然或長於文
詞而政事未卜或盛於一時而芳躅罔繼
粵稽陶氏世吟草其世德之彌光者乎夫
詩不貴工而貴得情性之正善言詩者以
忠君愛國之言為正雅以對時適興之言
為正風以褒德嘉成之言為正頌摘奇抉
幽締章尋偶之說弗當也詩派自紫桑徵
士以冲雅孤高獨步一時千載而下莫之

與儔逮今河東陶令公爰接詩統紹美前
聞箕裘相繼祖武孫繩盛世遺音鶴鳴子
和其學術之醇淵源之漸文章之爾雅政
事之精明未可槩悉姑自吟哦之餘以窺
充養之邃一閒公如懸大呂之鍾應觸鏗
訇春容逸裕鈍齋公如鸞鷲翔於丹霄頡
頏雲漢悠然自適逸菴公如鎔金在冶矧
豆莫耶惟其所范而光芒神采漾不可掬
汴亭公如武庫初開劍戟森嚴百萬之師

傾指氣使坐作進退變化風雲東漢公周
情孔思禹步湯銘道體之真卓有先見未
易以章句求也叔度先生立身於萬壁千
崖之上與王屋中條爭巒競翠其飛屨而
絕踪者乎之數公者言雖人殊氣實一脉
忠愛之情閑適之趣追古思今闡幽而微
顯者颯颯乎三百篇之嗣響遐想當時立
朝風采經國謀猷合乎人心當乎輿論者
類必若茲叔度而下附以爾德雖皆事業

未竟而其憂時撫物之志固已見於言外
矣猗與休哉其地之靈然耶抑教之深耶
魚亦世澤流慶既遠且長耶唐國之民猶
有堯舜遺風哉

皇朝列聖作人漸濡既久感被聿深公之家
世接武

大庭繼跡南省蜚聲黌校擅譽時髦者滾滾
方來過庭之訓衣鉢之承固宜其奕葉相
禪愈久而愈多也白野陶公為一閒公曾

孫守睢三年以循良著暎出是集以風多
士怕野孫佐刺請廣銀馬暨請公作謙讓
未遑將有所待謂余受知於公屬余為序
故遂僭弁書端用見公家世之多賢云
賜進士承直郎兵部車駕清吏司主事近恒
徐養相頓首謹序

陶氏世吟草卷之一

睢陽恒野孫科校刻

贈南京兵部尚書陝西叅議一閒陶銓文衡

乙丑進士

故人至

憶自當年別東西各轉蓬今朝一尊酒喜復與君

同

訪僧

杖屨雲林下空庭景更清終當謝塵慮來此學無

生

聞鵲

竹院雨晴時
嗶嗶繞樹飛
不知綠底事
應有遠人歸

溪上

流水灣灣碧
沙鷗漾漾飛
嗶嗶天上棹
泛泛月中歸

月夜

夜靜天一碧
娟娟月色新
佳人渺何許
悵望欲沾巾

招故人飲

安客虛堂晚
燒燈覺漏長
相期重九日
同醉菊花黃

榴花

院外榴花放
枝枝照眼紅
薰風何太巧
簇錦自成叢

田園樂

桑柘萋萋綠
垂楊拂小樓
林深人不到
樽酒興悠悠

遊佛窟寺

疊障層巒接
翠空珠樓寶閣
自相通青霞縹緲
丹崖畔碧樹陰森
紫殿東水月似澄
明覺院山雲恰住
鎖機峯誰人數到
幽棲處日向空庭
論祖風

九老會

盛會宏開意若何不須檀板紫雲歌素琴別調餘
風格樽酒論文重切磋有友五人今復見範家
事慮何多當年久敬推平仲先後相承譽不磨

一閒軒成

急尋歸路七旬餘買得閒田作隱居官舍不如茆
舍穩壯懷爭似老懷舒花前笑傲尊前酒林畔優
游枕畔書任爾是非都不管坐看歲月自盈虛

陶氏世吟草卷之二

戶部郎中鈍齋陶璽廷用

銓之第四子天順甲申進士

聞簫

涼夜月華明簫音嫋嫋清似聞秦弄玉宛轉鳳凰
聲

登樓

獨上危樓望長空思渺漫白雲飛歆盡點點見林
巒

望行人

日出門前望魚書別後稀昨逢邊上客偏喜報南
歸

松下圍碁

蒼松深影裏相對一談碁黑白從相較輸贏我不
知

林下觀書

清風瀟灑處水色散林光不厭頻來此看書到晚
涼

瞻雲

立馬太行道浮雲自去回鄉園渺何許目極思悠
悠

水仙花

波靜水烟空盈盈步曉風珮環愁欲濕遺恨月明

中

送友人

祖錢都門外含悲失故人却憐太行上秋雨菊花
新

早起

鷄聲天欲曙天外數峯青獨立如遺世閑雲下石
屏

春宵聽雨二首

春風習習雨颼颼一斤飛聲過小樓此夜燈前聽
不得不堪愁處也成愁

夜色沉沉天色青不堪鳴雨急空庭枕邊幾度遙

相聽偏攪閑情睡不寤

早朝

微微刺月鎖彤闈濟濟千官向紫薇
鴉起轆轤金井曉香煙滿袖早朝歸

寄兄

汾梁別後幾經年雲樹迢迢各一天
欲倩飛鴻寄憔悴不知清淚滿雲笺

癸巳同年會

同心此日宴芳辰尚憶宮花競曉春
揚柳陰中嘶馬過杏花香裏賜袍新
太平景象逢斯世經濟才猷信有人
太史明朝上封事德星光彩動蒼旻

和王松江遊金山寺

偶然游勝境飛思共雲凝小宴移方丈
長廊話野僧冷泉無我分元玉與君曾
幾款乘風去青天片月騰

和竹室韻

名寺多修竹幽人構竹房歲寒知節操
風細得清涼墻透龍孫過窓閑鳳尾長
頻來相對坐玉韻珮琳琅

和行春詠

典衣沽酒不須賒爛醉歸來破帽斜
陌上女郎歌白雪溪邊流水淨丹霞
雙雙蝴蝶迷春草對對鴛鴦

陶氏世吟草
卷之三
鴛臥曉沙聖道及今千載遠冥鴻私淑幾成家

陶氏世吟草卷之三

南京兵部尚書謚恭介逸菴陶琰廷信

銓之第五子成

化幸丑進士

復喬白巖用韻

此身此志未曾衰黃閣文章大雅才宦歷四朝多
績在年方六袞致臣回早辭楓陛榮君寵歸視槐
陰憶手栽愧乏瓊瑤報知已一樽重許遠相陪

用韓喬二老韻贈澤州仇賓相

富貴何曾着眼看平生愛此一閑官治家仍有傳
家訓守法應知立法難

得滋家書因來韻

有子睽違已四旬龍沙何日布陽春送他出塞誰
為主憐我歸家獨倚門花前漫酌閑排悶月下長
吟欲斷魂鴈足傳書原有約好將歸引曲中論

夜不成寐

獨擁重衾愛不成此身如在灞橋行絕聞北豎鷄
聲曉又見南窓曙色明殘夢欲消仍抱病新詩強
寫重含情浪傳天上息波至顛倒衣裳出戶迎

贈王晉溪總制

羌虜紛紛犯九陞元臣受命總西師才兼文武裴
中立身繫安危郭子儀坐慳統傳馳鐵騎前軍已
報奪燕支玉關不放春風度鳳閣端檄更屬誰

題關王廟

相結平原意若何英靈千古未消磨黃金不負交
情重赤膽真稱義勇多致命期平吳借箸矢心歆
復漢山河請看血戰揮戈處時有晴雲護紫柯

次周約菴中丞韻寄滋

鳳闕遙瞻辭帝里龍沙盡處見天根可為事業者
銅柱莫把詩名付酒尊賴有陳公頻下榻敢期于
氏有高門陽和昨夜生寒谷不負三春寸草恩

毛三林遠顧

此簪又向故園投為愛庭柯報早秋採菊滿斟元
亮酒乘閑欲駕子猷舟無邊風月從容賞可愛山

林自在遊榮辱升沉都不管長松深處只科頭

挽韓太傅忠定公

河汾一夜隕文星感我衷情涕泗橫爵到三公無
地位壽侵百歲盡天庾佐時已展經綸手即世應
留山斗名更羨九重綸綽渙平生出處益光明

自述

鄉闈發解試金鑿登第初除執法官八載提刑淹
陝右三番簡命鎮淮安奉宣兩浙天成遠參贊南
畿地里寬十疏懇辭回聖意綸音優寵貴門闌

陶氏世吟草卷之四

贈太常寺少卿前兵部武選司郎中涿亭陶滋

時雨

琰之予正德甲戌進士

癸酉中秋

晚向秋闈慶金戟回南樓賞月開金罍掀簾喜對寒
蟾坐顧影三人相舉杯詩興為秋勾引破自酌自
吟還自和一天涼露夜三更頽然醉倚雕欄卧夢
吹玉笛乘白鸞飄飄飛上青雲端躍身直入清虛
府爽風侵骨不勝寒黃金為闕玉為屋光輝絢爛
奪准自堦下葉桂正吐葩天香陣陣襲衣馥仙娥
兩兩嬌如雲靚粧笑立花之陰輕敲檀板歌且舞

霓裳一曲值千金，仙娥指桂向我說。此花一種不
三色，辛勤愛惜最高枝。留到今年與君折，語罷歸
來踞渺茫。不知身在白雲鄉，酒消月落夢初覺。衣
衫猶帶廣寒香。

送陳于弘之南都

燕巔梅欲放，薊門雪初晴。有客辭彤闈，乘驄將南
行。相送出城闈，惻惻難為情。憶子我同案，世講如
弟兄。三年官橋門，綽有水滌聲。晉秩坐西臺，身編
何崢嶸。空原孤鼠潛，高岡鸞鳳鳴。行當樞樹立，天
下期澄清。

自東華步出長安

曉來經步東華裡，禁苑秋光感興多。金闕北瞻千
鎖合，玉輿南幸萬方歌。晴霞散綺迷蓬島，寒葉流
紅出御河。却憶當年賜金紫，鳳凰池上沐恩波。

榆林書懷三首

身世真萍梗，飄飄紫塞邊。去家千里夢，見月幾回
圓。琴瑟常繁枿，椿萱苦望還。何時逢雨露，歸種澮
陽田。

北闕煙雲迥，高堂定省遠。雲埋和氏璧，塵暗老萊
衣。客夢鷄啼破，家書鴈過稀。還思舊隱處，閑却釣
魚磯。

一身從遠戍，千里入秦西。地與龍沙接，夜聞胡馬

嘶誰能和陶什我欲築愚溪自笑山麈性祗宜嚴
整棲

陝城東關同極寺和屏間虎谷韻

疋馬西來風雪寒瀟然興味似藍關爭如老衲魚
羈繫一卷楞嚴坐石壇

同關道中

聖恩浩蕩得生全譴謫西來雪滿川狂吹凌人凜
耳裂層冰欺馬四蹄穿孤身遠戍龍沙外清夢頻
依鳳闕遙東望并州書不到塞雲漠漠馬行連

次宜君縣夜聽雪

獨卧山亭夢不成春風吟雪旅魂驚映窓漫訝寒

蟾色敲竹還疑碎玉聲有客藍關淹去馬何人別
水泛孤舩殘燈無焰寒更盡一夜令人白髮生

閑坐

人生能幾日何用兩眉頻身外皆餘物胸中別有
春數椽姑射麓一艇澮沔濱到處便詩酒陶然樂
興新

詠鶴

幾年鳧鷖共秋塘毛翮摧殘祗自傷今日主人閑
玉檻數聲飛入水雲鄉

周約菴中丞雨中招遊榆陽橋寺

元老相招尋古寺青苔石磴入雲根參差橋閣開

圖書爛熳鶯花對酒尊敢望碧紗籠拙句愧無王
帶鎮山門更憐煙雨如留客燕賞歸來日已昏
流水橋邊通小徑珠宮寶閣起山根雨滋柳色添
詩景風送花香入酒尊笑口頻開逢絕域病軀長
憶卧衡門主人飲客能令醉信宿含醒眼尚昏

詠梅

早梅昨夜綻前軒鐵幹瑤花帶雪寒却憶隴頭人
自遠朝朝索笑倚欄杆

山居禱興

鳥徑緣崖深復深數椽茅屋萬松林
苔塵自隔人踪絕獨對青山鼓素琴

相凍南韻

詩筒驚見落雲邊絕域羈懷倍黯然尊酒久違前
日的錦袍重為故人憐不禁空館梨花雨忍見孤
城柳絮煙一誦清詞一惆悵訪君還欲向廊延

別絳方

勞君祖錢出城闌把手留連不忍分此去榆陽千
萬里可能回首憶征人

遊華山望蓮坪

形勝三秦最奇與西度來吞岳仙骨在玉井瑞蓮
開崖積千年雪泉噴萬壑蒼苔遊更奇絕書壁剉
蒼苔

思古故還

嵐身三載滯榆關此日金鷄赦我還歸到故山尋
舊隱茅茨卧對白雲閒

朱竹溪韻

抱琴六君未見君攜手喜竹下開芳罇薰風落微
雨酒闌雨亦晴踏月醉歸去明朝却重來相隔豈
遙哉此對南山深思若高舉

輓兄溥

正爾墳篋奏好聲那堪玉樹鎖佳城生前懶對楓
宸策死後空傳桂籍名華表鶴歸雲萬里槐柯夢
斷月三更西風吹淚荒墳下衰草寒烟重愴情

和老父韻

晉山南望白雲緘日日羈腸賴酒寬伏櫪元無干
里志巢林聊借一枝安故園松菊頻馳夢客邸鎮
錡謾取看衣到却憐慈母線縫時應念到時寒

寄僉憲郭梧岡同年

書郵北去竟浮沉悵望仙居隔翠岑霄漢故人難
比翼風塵客子獨關心地連秦塞胡沙迥路阻延
山暮雪深落日荒臺重回首悠悠羌笛動悲音

寄毛圃翁

黃菊開三徑青山結一廬閒身便穩卧短髮更慵
梳春水鷗邊棹斜陽花外車襟期絕塵想孤月皎

清虛

雲山千里目憂樂百年情遠樹斜連野寒流曲抱
城詩題分險韻絲竹弄新聲落日悲風起長歌鳥
雀驚

思歸

風月無常主江山不用賒寒雲侵客席斜日墮胡
笳塞上久羈戍天涯長憶家何時荷鋤去汾野種
桑麻

庚辰仲秋懷同謫諸年友

月出璇霄薄霧收小軒獨坐思悠悠美人相隔還
千里仙桂同攀又七秋兔魄偏於今夕皎蟻尊無

復昔年遊參商兩地清光共不盡瑤樓玉宇愁

秋日書懷

疎雨梧桐秋半殘天涯客子強為歡沽來斗酒看
山飲鬻得孤琴對鶴彈萬事悠悠髮短十年落
落一龜寒故鄉只在飛雲外兩腋安能生羽翰

九日雪堂招飲

謫居兩度逢佳節重續詩盟過草亭黃菊秋容白
奇絕紫薇故友平凋零笑談且盡杯中酒聚散真
如水上萍細看茱萸嗟未了斜陽橫映暮山青

送判簿喬獻之之新繁

出佐渠堂沐湛恩衣冠相送出都門絲絲烟柳牽

離恨點點春花映別尊秦棧曉行勞去馬蜀江夜
泊聽啼猿新繁正爾多民瘼合展才猷答

帝闈

訪僧

幾年不到涿陽洞今日重來感慨多舊識山僧何
處去洞門唯見鎖烟蘿

